

BOSNA I HERCEGOVINA
FEDERALNA UPRAVA ZA GEODETSKE I IMOVINSKO - PRAVNE POSLOVE
DODATNO FINANSIRANJE ZA PROJEKAT REGISTRACIJE NEKRETNINA

KONSULTANTSKE USLUGE - selekcija i izbor društva za pružanje usluga
Zajam br. 9048-BA

POZIV ZA IZJAVU INTERESA

KAMPANJA JAVNOG INFORMIRANJA O ZAMJENI/USPOSTAVI ZEMLJIŠNE KNJIGE
NA PODACIMA NOVOG PREMJERA U SKLOPU DODATNOG FINANSIRANJA ZA
PROJEKT REGISTRACIJE NEKRETNINA U FEDERACIJI BiH

Tender broj: BA-RERPAF-9048-BA-FBiH-CS-CQS-22-A.1.2.2.

Dodatno finansiranje za Projekt registracije nekretnina (u daljem tekstu: „Projekt“) se provodi na osnovu Sporazuma o zajmu Dodatno finansiranje za Projekat registracije nekretnina, između Bosne i Hercegovine i Međunarodne Banke za obnovu i razvoj – IBRD koji je potpisan 02. jula 2020. godine, te Odluke o ratifikaciji sporazuma o zajmu („Službeni glasnik BiH“, Međunarodni ugovori br. 19/20 od 15. decembra 2020. godine).

Razlog za provođenje Kampanje javnog informiranja (u daljem tekstu: „KJI“) jest da se građani informiraju o aktivnostima Projekta te podstaknu da izvrše svoju prijavu u procesu provođenja postupka uspostavljanja nove zemljišne knjige po podacima novog premjera, te da se uz ispunjavanje potrebnih uvjeta, u konačnici upišu i kao vlasnici/suvlasnici u zemljišnu knjigu po podacima novog premjera.

Kroz KJI želi se postići uključivanje što većeg broja korisnika usluga zemljišne administracije (građana, poslovnih i drugih subjekata) u aktivnosti koje se provode u okviru Projekta, sa naglaskom na pružanju podrške razvoju održivog sistema registracije nekretnina sa usklađenim zemljišnoknjižnim i katastarskim evidencijama.

Cilj KJI jeste podići razumijevanje javnosti i mobilizirati podršku za implementaciju aktivnosti definiranih Projektom na sistematskom usaglašavanju podataka o nekretninama i zamjeni i/ili uspostavi zemljišne knjige na podacima novog katastarskog premjera. Konkretno, bit će potrebno da KJI:

- potakne i proizvede veću uključenost javnosti/stranaka u procese uspostavljanja zemljišne knjige po podacima novog premjera, a kroz prijavljivanje prava na nekretninama u ZK uredima,
- informira i educira javnost o aktivnostima i procedurama u sektoru zemljišne administracije koje se provode u sklopu Projekta,
- unaprijedi imidž institucija i ureda nadležnih za registraciju nekretnina i prava na nekretninama.

Očekivano razdoblje trajanja usluga vezano za KJI je od trenutka potpisivanja ugovora do najkasnije 31.07.2024. godine.

Federalna uprava za geodetske i imovinsko-pravne poslove ovim putem poziva zainteresirana konsultantska društva (u daljem tekstu: Konsultante) da izjave svoj interes za obavljanje traženih

usluga. Zainteresirani konsultanti bi trebali dostaviti informacije da posjeduju tražene kvalifikacije i relevantno iskustvo za obavljanje usluge.

Konsultant mora ispuniti sljedeće uslove:

- Minimalno 3 godine iskustva u implementaciji kampanja javnog informisanja javnosti,
- Iskustvo u radu sa medijima preko kojih se vrši kampanja javnog informisanja javnosti.

Konsultant će navesti predloženo osoblje, njihove kvalifikacije i životopis za svaku od sljedećih ključnih pozicija:

- Rukovodilac kampanje: osoba zadužena da rukovodi i nadzire realizaciju kampanja javnog informisanja, dostavlja redovne izvještaje naručiocu posla za svaku provedenu kampanju i završni izvještaj. Potrebno je da ima visoku školsku spremu (VSS) ili viši stepen obrazovanja, društvenog smjera, minimalno 3 godine iskustva u implementaciji kampanja javnog informisanja i iskustvo u upravljanju realizacijom ugovora za barem dvije kampanje javnog informiranja.
- Osoba zadužena za implementaciju Medija plana: zadužen za realizaciju medijskog plana za svaku pojedinačnu KJI. Potrebno je da ima visoku školsku spremu (VSS) ili viši stepen obrazovanja, društvenog smjera, minimalno 3 godine iskustva u implementaciji kampanja javnog informisanja i iskustvo u realizaciji medijskog plana za barem dvije kampanje javnog informiranja.

Detaljan opis gore navedenih zadataka se nalazi u Opisu poslova koji se dostavlja uz ovaj "Poziv za izjavu interesa".

Skreće se pažnja zainteresiranim konsultantima/kandidatima na odjeljak III, paragrafi 3.14, 3.16 i 3.17 Svjetske banke „Propisi o nabavkama za zajmoprimce IPF“, juli 2016., revidirani novembra 2017., augusta 2018. i novembra 2020., koji utvrđuju politiku Svjetske banke o sukobu interesa.

Konsultanti se mogu udružiti sa drugim društvima u formi joint venture ili kao podizvođači da bi poboljšali svoje kvalifikacije.

Konsultant će biti odabran u skladu s metodom odabira konsultanata (CS) – (CQS) utvrđenom u "Propisima o nabavkama za zajmoprimce IPF-a" Svjetske banke.

Dodatne informacije se mogu dobiti na dole navedenoj adresi u toku radnog vremena od 09.00 do 15.00 sati.

Izjave interesa se moraju dostaviti u pisanoj formi na donju adresu (osobno, poštom, faksom ili e-mail) do 15. jula 2022. godine do 10:00 h.

Federalna uprava za geodetske i imovinsko - pravne poslove
Jedinica za implementaciju Dodatnog finansiranja za Projekat registracije nekretnina
Ul. Hamdije Kreševljakovića 96, 71000 Sarajevo
Tel. +387 33 586-063
Fax: +387 33 586-067
E-mail: dino.serer@fgu.com.ba
Sarajevo, dana 29.06.2022. godine